

নাম: মো: আখতারুজ্জামান নাস্টম

জন্ম তারিখ: ১ জানুয়ারি, ১৯৮১

শহীদ হওয়ার তারিখ: ২৭ জুলাই, ২০২৪

ব্যক্তিগত তথ্য:

পেশা : চাকরিজীবী,

শাহাদাতের স্থান : মিরপুর-১

শহীদেদের জীবনী

জুলাই বিপ্লবের একজন গর্বিত শহীদ মো: আখতারুজ্জামান নাস্টম এক দরিদ্র পরিবারের সন্তান। তিনি ১৯৮১ সালের ০১ জানুয়ারি জন্মগ্রহণ করেন। তাঁর জন্মস্থান নিজ জেলা পটুয়াখালীতে। তার পিতার নাম মরহুম আব্দুর রব মিয়া এবং মাতার নাম মোছা: নাজনিন নাহার। শহীদ মো: আখতারুজ্জামান নাস্টম ছিলেন পরিবারের একমাত্র ভরসা। তিনি এসি আই ফার্মাসিউটিক্যাল কোম্পানিতে এরিয়া ম্যানেজার হিসেবে চাকরি করতেন।

পরিবারের বর্তমান অবস্থা

পটুয়াখালীর বাউফলের জামালকাটি গ্রামের মৃত আব্দুল রব মাস্টারের ছেলে আখতারুজ্জামান নাস্টম। চাকরির সুবাদে মিরপুর শাহ আলীর ‘এ’ ব্লক গরিবে নেওয়াজ এলাকায় পরিবারের সঙ্গে থাকতেন। তিনি ভাই এক বোনের মধ্যে তিনি ছিলেন বড়। তার ৬ বছর বয়সী একটি ছেলে সন্তান রয়েছে। বাবা না থাকায় সংসারের সকল দায়-দায়িত্ব তার উপরেই ছিল। একার উপার্জনেই পুরো সংসার চালাতেন। তাদের নিজস্ব কোন জায়গা জমি নেই বললেই চলে। তাঁর মা মিনারা বেগম বার্ষিক্যজনিত কারণে প্রায় সবসময় অসুস্থ থাকেন। সংসারে অভাব-অনটন লেগেই থাকত সবসময়।

জুলাই বিপ্লবের দিনগুলি

কোটা সংস্কার আন্দোলনে কোটা প্রথা সংস্কারের দাবিতে দেশের সকল ছাত্র-জনতা এক হয়ে আন্দোলনে নামে। কিন্তু সরকার এতে বাঁধা প্রদান করে। এরপর থেকে আন্দোলন দানা বেঁধে উঠে। প্রয়োজন বোধ হয় একটি একক প্ল্যাটফর্মের। যার মাধ্যমে আন্দোলনকে বেগবান করা যাবে। এরই পরিপ্রেক্ষিতে ছাত্র-জনতা বৈষম্য বিরোধী ছাত্র আন্দোলন নামে একটি একক প্ল্যাটফর্ম তৈরি করে। যা ২০২৪ সালের ১ জুলাই সৃষ্টি হয়। বাংলাদেশে কোটা সংস্কারের লক্ষ্যে ২০২৪ সালের ১ জুলাই থেকে চার দফা দাবিতে ‘বৈষম্যবিরোধী ছাত্র আন্দোলন’-এর ব্যানারে আন্দোলনকারী শিক্ষার্থীরা লাগাতার কর্মসূচি দেয়। ২ থেকে ৬ জুলাই দেশের বিভিন্ন স্থানে বিভিন্ন প্রতিষ্ঠানের শিক্ষার্থীরা বিক্ষোভ, মানববন্ধন, মহাসড়ক অবরোধ ইত্যাদি কর্মসূচি পালন করে। ৭ জুলাই বৈষম্যবিরোধী ছাত্র আন্দোলন ঢাকায় গণপরিবহন বন্ধ এবং রাস্তা অবরোধ কর্মসূচি চালায় এবং পরবর্তীতে সারাদেশে অবরোধ কর্মসূচি দেওয়া হয় যা “বাংলা ব্লকেড” কর্মসূচি নামে পরিচিত। বাংলা ব্লকেড চলাকালীন রাজধানীতে শুধু মেট্রো রেল চালু ছিল। পরবর্তী দিনগুলিতেও ঢাকাসহ দেশের বিভিন্ন স্থানে একই কর্মসূচি পালিত হয়। এইসব কর্মসূচিতে শিক্ষার্থীরা ছাত্রলীগ ও পুলিশ হামলার শিকার হয়। ১৪ জুলাই আন্দোলনরত শিক্ষার্থীরা ঢাকায় গণপদযাত্রা করে রাষ্ট্রপতি মো. সাহাবুদ্দিন বরাবর স্মারকলিপি প্রদান করে এদিন তৎকালীন প্রধানমন্ত্রী শেখ হাসিনা তার এক বক্তব্যে কোটা আন্দোলনকারীদের “রাজাকারের নাতি-পুতি” হিসেবে অভিহিত করেন, প্রধানমন্ত্রীর মন্তব্যের প্রতিক্রিয়া হিসেবে আন্দোলনকারী শিক্ষার্থীরা ব্যঙ্গ করে “তুমি কে? আমি কে? রাজাকার, রাজাকার; কে বলেছে? কে বলেছে? স্বৈরাচার, স্বৈরাচার” এবং “চাইতে গেলাম অধিকার; হয়ে গেলাম রাজাকার” স্লোগান দেয়। এর পরেরদিন ১৫ জুলাই আওয়ামী লীগ ও তৎকালীন সরকারের বিভিন্ন কর্মকর্তা, মন্ত্রী আন্দোলনকারী শিক্ষার্থীদের বিরুদ্ধে “মুক্তিযুদ্ধের চেতনা” নষ্ট করার অভিযোগ আনেন ১৫ জুলাই বৈষম্য বিরোধী ছাত্র আন্দোলনের অন্যতম সমন্বয়ক নাহিদ ইসলাম বলেন, “গত রাতে বিক্ষোভ করে আমরা সোমবার ১২টার প্রধানমন্ত্রীকে তার বক্তব্য প্রত্যাহারের দাবি জানিয়েছিলাম। প্রত্যাহার না হওয়ায় আমরা রাস্তায় নেমেছি”। ১৫ তারিখ ছাত্রলীগ সাধারণ শিক্ষার্থীদের উপর অতর্কিত হামলা চালায়। যা ১৯৭১ সালের ২৫ মার্চের কালো রাত্রিকেও হার মানায়। লাঠি, হকিস্টিক, লোহার রড, চাপাতি, রামদা ও বিভিন্ন দেশীয় অস্ত্র-সস্ত্র নিয়ে আন্দোলনরত শিক্ষার্থীদের উপর হামলা চালায়। এর আগেরদিন আওয়ামীলীগের সাধারণ সম্পাদক ও সেতু মন্ত্রী ওবাইদুল কাদের ছাত্রলীগকে হামলা করতে উস্কিয়ে দেয়। তার উস্কানি পেয়ে ছাত্রলীগের কেন্দ্রীয় সভাপতি সাদ্দাম হোসেন ও সাধারণ সম্পাদক শেখ ইনান সাধারণ শিক্ষার্থীদের উপর হামলার সর্বাত্মক প্রস্তুতি গ্রহণ করে। রাতে ট্রাকে করে অস্ত্র-সস্ত্র নিয়ে ক্যাম্পাসে প্রবেশ করানো হয়। ঢাকা বিশ্ববিদ্যালয়ের ছাত্রলীগ সভাপতি শয়ন ও সেক্রেটারি তানভীর হাসান সৈকত, জগন্নাথ বিশ্ববিদ্যালয় ছাত্রলীগ সভাপতি ইব্রাহীম ফরায়েজী এবং সেক্রেটারি এস এম আক্তার হোসেন এই হামলার পরিকল্পনার অন্যতম মূল হোতা। তাদের সাথে ঢাকার আশেপাশের ছাত্রলীগের বিভিন্ন ইউনিটের ক্যাডাররা যুক্ত হয়। সাথে সহযোগিতা করেছে যুবলীগের সদস্যরা। হামলার লোমহর্ষক ঘটনা দেখে শিহরিত হয়ে যায় পুরো দেশের মানুষ। আহত রক্তাক্ত হয়ে সাধারণ শিক্ষার্থীরা হাসপাতালে ভর্তি হলে ছাত্রলীগ সেখানে গিয়েও হামলা চালায়। ঢাকা মেডিকেল হসপিটাল সেদিন রণক্ষেত্রে পরিণত হয়। এই দৃশ্য সারা দেশে আলোড়ন সৃষ্টি করে।

সাধারণ ছাত্রদের উপর হামলাকারী ছাত্রলীগের ক্যাডারদের উদ্ধৃতপূর্ণ আচরণ জাতিকে হতাশ করেছে। জগন্নাথ বিশ্ববিদ্যালয় ছাত্রলীগ সভাপতি ইব্রাহীম ফরায়েজীর অনুসারী নাট্যকলা বিভাগের ১৫ তম ব্যাচের রাসেল আহমেদ শিক্ষার্থীদের উপর হামলা করতে গিয়ে নিজেই আহত হন। এসময় তিনি ফেসবুকে স্ট্যাটাস দিয়ে বলেন, “১১ জনকে পিটিয়েছি সুস্থ হয়ে ১২ তম জনকে পিটাঁ” তার মত আরও অনেকে এমন উদ্ধৃতপূর্ণ আচরণ করে। সাধারণদের হামলা করতে জগন্নাথ বিশ্ববিদ্যালয় থেকে আরও অনেকে যুক্ত হয়। এদের মধ্যে কয়েকজনের নাম পরিচয় জানা গেছে তারা হল, সাধারণ সম্পাদক এস এম আক্তার হোসেনের সহচর ইসলামিক স্টাডিজ বিভাগের ১১তম ব্যাচের মেরাজ, ইব্রাহীম সানিম, শিক্ষা ও গবেষণা বিভাগের ১২ তম ব্যাচের সাইদুল ইসলাম সাইদ, ইসলামের ইতিহাস ও সংস্কৃতি বিভাগের ১২ তম ব্যাচের আকাশ, ১২ তম ব্যাচের মোঃ ইউনুস, ১৩ তম ব্যাচের হাবিব, সমাজকর্ম বিভাগের ১৪ তম ব্যাচের নজরুল ইসলাম সাগর, সাজেদুল ইসলাম সৈকত, আইন অনুষদের ১৪ তম ব্যাচের আব্দুর রহমান, ওবায়দুল্লাহ হাসিব, সমাজবিজ্ঞান বিভাগ ছাত্রলীগ সভাপতি মেহেদী, ইসলামিক স্টাডিজ ১৫ তম ব্যাচের সাজবুল ইসলাম সহ আরও অনেকে সম্মুখ সারিতে থেকে সাধারণদের উপর হামলার নেতৃত্ব প্রদান করে। ঢাকা

পেশা : চাকরিজীবী

প্রতিষ্ঠান : এসি আই ফার্মাসিউটিক্যাল কোম্পানি

জন্ম তারিখ : ০১-০১-১৯৮১

বয়স : ৪০ বছর

পিতা : মরহুম আব্দুর রব মিয়া

মাতা : মোছা: নাজনিন নাহার

স্থায়ী ও বর্তমান ঠিকানা : গ্রাম: জামালকাটি, ইউনিয়ন: ৩ নং ধনুয়া, থানা: বাউফল, জেলা: পটুয়াখালী

আক্রমণকারী : স্বৈরাচারী হাসিনার ঘাতক বাহিনীর সম্মিলিত গুলিবর্ষণ

শাহাদাতের তারিখ : ২৭/০৭/২০২৪, বিকাল ৩টা

শাহাদাতের স্থান : মিরপুর-১

শহীদ পরিবারের জন্য প্রস্তাবনা

১. তার পরিবারের আর্থিক সহযোগিতা দরকার

২. শহীদের ছেলের দায়িত্ব নেওয়া প্রয়োজন